



GIUSEPPE CABIZZOSU

BIBLIOTECA

www.giusepecabizzosu.it

Giuseppe Chessa

(Torpè 1922 - 1992)

Poesie scelte in lingua sarda



GIUSEPPE CABIZZOSU
BIBLIOTECA
www.giusepecabizzosu.it

Giuseppe Chessa

(Torpè 1922 – 1992)

Poesie scelte
in lingua sarda



GIUSEPPE CABIZZOSU
BIBLIOTECA
www.giuseppecabizzosu.it

Giuseppe Chessa

(Torpè 1922 – 1992)

Nato a Torpè il 16 febbraio 1922 e morto nel medesimo centro il 20 luglio 1992. Giuseppe Chessa, era figlio di Larentu (meglio conosciuto col cognome della mamma Fois) e di Giuseppe, poeti affermati a loro volta. Uomo molto religioso, è stato sempre impegnato nell'Azione Cattolica. In gioventù fece vari lavori: costruttore di carri, contadino, carpentiere, collocatore e persino bidello nelle scuole.

Pro nostra signora de sos anghelos

In prufessione
(sonete)

Reina, Mama, Fiza 'e Fizu Tou,
Maria de sos Anghelos jamada
e, pro tradissione tramandada,
a Torpè "Signora de 'Inu Nou".

Totu sa zente chi est emigrada
torret sana a su nidu sou;
a pastores, massajos totu a prou
produat sa coltura coltivada.

Manda paghe e amore a donzi perra
finat s'ingiustissia e i su dolore,
non torren terremotos a sa terra!

Dae gioia a chie est in tristura,
pone fine a sa manu opressore,
e libertade a chie at ditatura.

Sa gherra

(sonete)

Sa gherra est semper isbagliada
leat sa vida in su menzus fiore,
sa mama chi sena fizu est restada
pregat pro suportare su dolore.

Sa muzere chi mortu l'an s'amore
restat aflita e disconsolada,
si lamentat su fizu minore
chi su babbu connotu no ada.

A sos mortos in Austria, Abissina,
su fronte greco, su russu geladu,
in su desertu, in aria e in marina,

su populu torpinu generosu
su monumentu lis at innalzadu
a memoria de s'eternu riposu.

Sardigna

De sardigna forestas e natura
Sono iscumparende a cantu a cantu
E finzas sos puzzones in su cantu
Faghene intendher chi sono in tristura

E i sa vera chi curriat sigura
Iscumparende i su buscu che incantu
Este marturia e in piantu
Ca de la diffender nessune si curat

Umbe paschiat liberu s'armentu
Chi fit de su pastore capitale
Commo este unu massu de cimentu

Cun sos iscaricos an fattu ruinas
Isparghende sustanzias micidiales
Inquinendhe rios e marinas.

Su sole 'e su massaju

(sonete)

Aparit s'aurora in sas marinas
e leat de su sole su reposu,
arrivadas sas oras matutinas
s'alzat s'astru potente e luminoso
e chin su raju sou calorosu
caentat sas muntagnas e collinas,
caentat su massaju in sas fainas
ch'essit in su manzanu fitorosu.

Caentat baddes, litos e pianos
che leat de sa terra sa fritura
ch'a su massaju cancarat sas manos.

Su voe sighit su passu a illonghiare
puntu dae su mere ch'at paura
de torrare su sole a reposare.